

1. Imam Nasai رحمه الله عليه ki shahadat kaise waqey hui:

Ek daur wo tha Banu Ummayya ka Yazeed ke baad, ke mimbar par Hazrat Ali ko gaali baki jati thi, Hazrate Imam Nasai jab Damishq pahonche, dekha ke Hazrat Ali ko mimbar par gaaliyan baki jati hain jummah ke qudabo me, to apne us wakht afsos ka izhar kiya aur Fazail e Ali par kitaab likhi, "Khasaisey Ameerul Momeneen Ali ibn Talib", aur is kitaab ko lekar Damishq ki Jama Masjid me ap pahonche, elaan kiya aaj mai waas kahunga, log jama ho gaye, Imam Nasai aye hain, waas kahenge

Ap mimbar par tashreef laye, pehli Hadees Hazrat Ali ki fazilat me tilawat ki, shor utha, Nasai band karo isko parna, kya tumhare paas fazilat e Muawiyah par Yazeed par koi Hadees nahi hai, wo paro, Banu Ummayya ki fazilat me Hadees paro, apne kaha, fazilat me Hadees ho to paru na, logo tum Ali ko galiyan bakte ho, ayo mai tumhe maqam e Ali bataun, phir parna shru kiya, ap abhi par hi rahe the, ke ahle damish ne patthar maarne shru kiye, aur itne patthar maare ke ap zakhmi ho gaye, khoon apke jism se behne laga, ap par behoshi taari hui, behoshi ki halat me apke chahne wale apko us masjid se lekar nikalte hain aur ek mehfuz maqam tak lekar gaye, ap dard se qarra rahe the, aur haal ye hua ke apka usi zakhmo se aur khoon ke behne ke sabab se apka wisaal ho gaya, shaheed ho gaye